

Visoki predstavnik naglašava krajnji rok za potpunu implementaciju Mrakovica-Sarajevo Sporazuma

Visoki Predstavnik Wolfgang Petritsch ponavlja da večeras ističe krajnji rok za implementaciju Odluke Ustavnog suda o konstitutivnosti naroda u skladu sa duhom i slovom Mrakovica-Sarajevo Sporazuma, postignutog 27. marta 2002.

On je podcrtao očekivanja Upravnog odbora Vijeća za implementaciju mira, koji od svih stranaka traži da osiguraju da se sadržaj ovog sporazuma u potpunosti implementira kroz ustavne amandmane koje treba da usvoje oba entitetska parlamenta. Amandmani na entitetske ustave moraju u potpunosti biti u skladu sa sporazumom koji su postigle političke stranke 27. marta 2002.

“Još jednom apeliram na sve odgovorne da nadju hrabrosti, mudrosti i vizije kako bi donijeli ovu historijsku odluku kojom će se osigurati bolja budućnost konstitutivnih naroda i građana Bosne i Hercegovine. U trenutku skorog prijema BiH u Vijeće Europe to će biti sljedeći važan korak na putu Bosne i Hercegovine prema punoj integraciji u Europu” rekao je Visoki predstavnik. “Dakle, manje od 100 procenata implementacije ovog sporazuma neće biti prihvaćeno”.